



Bentiaraq Ottosen

UPA 2026/181-1

Atassut

2. Juni 2026

Namminersorlutik Oqartussat nalunaarutaata iluarsaanneqarnissaa pillugu imeqqutaallat manniinik mannissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut tusarniaaqqullugit Inatsisartut aalajangiiffigisassaattut siunnersuut. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.

(Inatsisartuni ilaasortaq Jens NapätôK', Naleraq)

Atassutip politikkaa naapertorlugu nunatsinni pinngortitami pisussuutivut piujuartinnissaat akisussaassuseqartumillu pisortanit aqunneqarnissaat pigaartitaraarput. Atassummiit isumaqarpugut pinngortitami pisuussutit atorineqarnissaat illersorneqarnissaallu oqimaaqatigiissinneqartariaqartut, nalunaarutitigut aaqqissuussamik nalimmassaasoqartariaqartoq pingaartipparput.

Nunatsinni sumiiffinni amerlasuuni imeqqutaallat manniinik katersuisarneq ileqqutoqqatut kinguaariit akornanni ingerlanneqartarsimavoq, taamaattumik innuttaasut najukkami sumiiffimmiittut ilisimasaat misilittagaallu pingaarutilimmik tunngavigineqartariaqarput.

Atassummiit pingaartipparput aaliangiinerit ilisimasaniq tunngaveqartut tunngavigalugit ingerlanneqartarnissaat. Taamaattumik naapertuuttut isigaarput Naalakkersuisut attuumassuteqartunik tusarniaassasut, tassanilu pingaartuuvoq eqqaasallugu nunatsinni piniartortavut, aalisartortavut, innuttaasut, inoqarfiit minnerit aammalu Kommunit peqataatinneqartariaqartut. Atassummiit aamma soqutigilluinnarparput kattuffiit susasaqartut tassumunnga aamma peqataatinneqassasut peqatigisaanik peqassutsit qanoq inissisimanerat pillugu ilisimatuussutsikkut siunnersuutit aammalu paasissutissat aaliangiinermi siunissamut tunngavigineqartariaqarnerat ersersinneqassasoq.

Nunatsinni timmissat pillugit nalunaarut atuuttoq naapertorlugu imeqqutaallat manniinik katersinissaq inerteqqutaavoq, tamanna pillugu inerteqquteqarneq 2001-imi atuutinneqalersimavoq. Taamaattumik timmissat pillugit piujuartitsinissaq pingaaruteqarpoq, tamatuminngalu pinngortitami pisuussutitta illersorneqarnissaat aammalu akisussaassuseqartumik piujuartitsinissaq pingaaruteqarpoq.

Atassummiit isumaqarpugut mannissarnissamut periarfissat piffissaritinneqartut annertussusaallu pillugit ilisimasat pingaaruteqartuusut, qanga ileqqorisavut kinguaariinut ingerlateqqissagutsigit pingaartuuvoq nalimmassaanissarput. Atassummiit isumaqarpugut piujuartitsisumik mannissarniartarneq ingerlanneqarsinnaasoq imeqqutaallat peqassusiisa piujuarnissaallu tunngavigalugit aaliangersarneqarsinnaasut. Taamaaliornikkut qulakkeerneqassaaq pisuussutit



siunissami kinguaariinnut iluaqutaasinnaasut. Atassummiit oqaloqatigiinneq pitsaasoq aamma sumiiffinni pissutsit assigiinngitsut aqqutigalugit aaqqiissutit inuiaqatigiinnut pinngortitamullu iluaqutaasut anguneqarsinnaasut upperaavut.

Taama oqaaseqarluta siunnersuut taperserparput aammalu Aalisarnermut, Piniarnermut Nunalerinermullu Ataatsimiititaliamut innersuullugu inassutigaarput.